



PRESS & COMMUNICATION DIVISION (PCD)
Ministry of Prime Minister & Cabinet
Level 4 FMFMII Government Building
Eleele-fou i Matagalalua, Apia, Samoa
P: +685 26398 /+685 63222 Facebook: @savalinews, @samoagovt

O LO'O SOIFUA MĀLŌLŌINA PEA LE TA'ITA'I O LE MĀLŌ

Tusia: Tusiga Taofiga



Palemia o Samoa, Fiamē Naomi Mataafa

Ua tali manino le afioga i le Ofisa Sili o Pulega o le Matāgaluega a le Palemia ma le Kapeneta, le tofā ia Agafili Tomaimanō Shem Leo i se fesili na fesiligia ai e Tusitala i le aoauli nei, pe moni fa'amatalaga sala tua o lo'o gasegase le afioga i le Palemia, ia Fiamē Naomi Mataafa, pe moni fo'i fa'amatalaga ua a'afia i le Koviti - 19.

Saunoa Agafili, e lē moni, e lē sa'o, e lē fa'amaonia ia fa'amatalaga.

“E lē fa'amaonia ia fa'amatalaga, lea fo'i sa matou feiloa'i nei i nai itula talu ai ma le afioga i le Ta'ita'i o le Mālō.

“O lo'o malosi le afioga i le Palemia, e le'o se mea fo'i e nanāina pe a fa'apea e māua vaega fa'apenā. O aga lava ia o le fa'ama'i e lē fa'atulagaina tatou po'o tatou tatou tofiga, ma e leai se faitauga a le fa'ama'i fa'apenā.

“Ae ou te fa’amaonia atu, o lo’o soifua mālōlōina le Ta’ita’i o le Mālō, ma e pei fo’i o tatou uma, o lo’o taumafai lava i puipuiga mo lo tatou Ta’ita’i e fa’apenā uma fo’i le taumafaiga mo tatou uma ina ia puipuia pea ina ia ‘aua ne’i pesia i lenei fa’ama’i.

“Ae e lē fa’amaonia na fa’amatalaga, i le fa’afogafoga mai a si o tatou atunu’u, o lo’o soifua mālōlōina pea le afioga i le Palemia.”